

Fola cinese

Una volta, in China, un omu chjamatu Tang travagliava u ramu è fecia pignate, paghjole ect ... ch'ellu vendia à u marcatu.
Era bravu è sinnatu è si vulia marità.

È tandu u rè di China vulia un sposu per a so figliola ... ma un sposu ch'ellu sceglia ellu !

Quellu ghjornu di u scontru, Tang affacheti in lu castellu reale è cum'è ellu, tanti è tanti ch'è pretendianu spusà a principessa ...
Ognunu ricevì cinque granelle di fiori da piantà per avè le di veranu.

Tang piantedi quelle granelle ma ùn ci fù barba !

È aspetta è aspetta, nè fiori nè nulla !

È andedi quellu ghjornu susdettu à scuntrà u rè ... ma cù un vasettu senza fiori !

Tutti l'altri si ne ridianu ... ch'è avianu ognunu un vasettu colmu à fiori spampillanti !

È u rè fece passà à tutti davant'è ellu.

I ricusò tutti quanti, for'di Tang ch'è disse tandu : « Ma o Maestà, fiori, ùn ne aghju avutu èiu ! »

U rè rispose : « Stai quì, o Tang ! Serai tù u mo predilettu, u mo ghjènneru ! »

L'estate ch'è seguitò fù gran'festa, festa in barbaria è i sposi campàvanu felicissimi in lu castellu.

Ma un ghjornu, Tang ch'è se ne andò à u soceru : « Ma cumu hè ch'è m'avite sceltu à mè, Maestà ? »

I rè disse : « Sai, o Tang, e granelle, l'avia fatte bolle a nuttata sana, allora ! Eri solu tù u più onestu, à pettu à tutti l'altri accattani ! »